

分六厘),

第三届光绪八年运漕水脚项下摊还规平银一万三千六百二十三两三钱八分九厘(合原库平银一万二千六百三十两五钱二分三厘),

第四届光绪九年运漕水脚项下摊还规平银八千十七两六分(合原库平银七千四百三十二两七钱八分)。

以上除还应存规平银五万五百四十一两七钱七分六厘(合原库平银四万六千八百五十八两三钱一分三厘)。

总共十三款应存规平银八十三万二千二百七十四两五钱一分(合各省原平银七十七万六千三百五十一两一钱七分八厘)。除奉饬拨借朝鲜政府原平银二十万两外,实存原平银五十七万六千三百五十一两一钱七分八厘。

136 盛宣怀致唐廷枢函

光绪十年(1884)

景星仁兄大人阁下:

前奉惠复,□悉一一。□□筹画懋勤□□□□□□数月之内生意如□。漕务,农部意在招商局与沙宁董事各自船运一半,如开春法事不了,各雇洋船分运。弟昨日有一公电,即主此议,并已电稟南洋。大约各装五成,□□公道,惟粮道必欲藉此减轻水脚,鄙见局船总与沙船一样,如欲此沙船再减,宁可不装为是。总署之意与户部之意,必欲帮助华商,而不肯以漕务被洋商占去。上谕是以迭饬南、北洋商议者,为此也。傅相因阁下□□□□□□□□在制中,眉翁漕事太生,特委花农赴苏,专与苏粮道□□[商办]苏漕,若人赴浙,专与浙粮道商办浙漕。昨闻鲁翁到沪,傅相立催花农动身,所有要言,傅相已谕知花农,弟亦有要言托花农面告。阁下务祈密与筹议,俾归妥□。此请台安。

弟○○顿首 十三日

景翁再览：

中堂面谕阁下回上海，赶紧清理旧欠各款，迄未接到报单，中堂屡次面询。弟想如此时势，惟有现银还帐，诚恐旧帐一日不清，阁下一日不安，愈久愈难，公私俱累。昨花农及郁君之言，以各欠户多欲以局股抵帐，阁下因其收价极贱，故不肯允，足见兄之办事认真，实深钦佩。弟意徐雨翁大批闻已将房屋抵与局中，其余欠户如果还现银二成、股票八成，似亦以早为了清为妙。惟股票只要轮船、保险、贵池三种，其余一概不收。且宽此一着落，赶□目前买票抵款，不过现银五六折兑票，但须通扯，一气呵成，合计本局共总欠款（除徐雨翁外）七十余万两，通扯只收现银二三成，其余均收之□股票，一总归阁下包了。此事如可做得得到，即祈迅速示知，以便密禀傅相饬即办理，似于阁下大有裨益。即祈密筹速复为祷。此间情事花农必能细谈，恕不多渎矣。再请勋安。

弟○又顿首

137 唐廷枢致盛宣怀函

光绪十年末(1884.12—1885.2) 上海

杏荪仁兄大人阁下：

顷奉十七日手书，具悉周玉翁所存招商局之款既须提用，囑于追还欠款内尽先提还以了一事，当遵台命。弟回沪三月，清理旧帐，奈值时势市情枯竭，欲收欠款实非易易，着力四处搜罗，另星收进，适抵另星支销，欲速不达，殊为焦灼。复以满盘欠户，洋参还是执事所欠之款，似可较易商量。如果玉翁急欲提用，可否相恳尊处拨付三万两，其余俟弟来津另行设措找清，实为两便，特未审能邀金诺否。不情之请，尚祈曲谅下忱，为祷为感。弟略有部序，二、三日间即拟北上，良晤匪遥，兹不琐述。专复，敬请勋安。

愚弟唐廷枢顿首。廿五日。